

左海文集

武進張皋文題詞

嘉慶辛酉

駢偶之製導源鄒枚東漢兩晉其正聲也梁陳之流  
四六始作徐庾擅妙古體遂衰下至初唐鏤金刺木  
雖絢藻滿目其神索然燕許以高氣振之遂為絕特  
太白之清逸玉溪之綺麗亦其次也原其佳者要須  
得西漢沈博絕麗之意體格有變精理不渝宋以後  
輕率浮動宗風墜矣同年陳恭甫作清麗似梁人溫  
潤條暢質有其文任彥升之儔特古樸少遜之耳平  
臺詩序一篇格律止是唐人而其雄偉卓犖若駿馬  
在銜轡控如舞擬之燕許何多讓焉武進張惠言

左溪乙集 卷一  
全椒吳山尊題詞

句法字法浸淫於任沈江鮑四家得其精要乃能下  
筆老成如此鼎半生自謂於古人駢體之學略有究  
心不圖所見於與軒季述之外又逢畏友敬與媿集  
謹題數語鼎識

左海文集乙編駢體文

福州陳壽祺葦仁

皇上五旬萬壽恭紀

九德歌九章  
謹序

臣聞功釐蜚廉綿帝繫者七十二家道穆成鳩紿天  
皇者萬八千歲格六鳳而上下眎五龍若嬰孩大哉  
首出之神明必獲奇齡之巨麗故大星流渚金天登  
命鴈之師秘電照郊翠渚受浮鱸之篆瑤光貫月顯  
表戴千石紐吞珠似戎感蕙秦微五座獵靈於荆馬  
常羊虛房二精隕祉於黃魚丹雀莫不安貞地應保  
佑天申盛謂日新增如川至維皇之極五福錫厥庶

民敬天之休萬年厭于功德欽惟

皇帝陛下上規太乙中執高辛懷玉斗以含元握璇  
鈴而立象丹青巢燧隨命巽以風行陶鑄成康益光  
謙而天濟庵禱桐茂叶氣棣通枳維第祿之林荃宰  
純常之寓嘉魚在巳毛詩正義引詩緯汜歷  
樞云嘉魚在巳火始也龍虬會  
展乘五位於中宮疊十成於首節

撫辰思孝符舜慕之中年得亥降神後義生之二日

太平御覽引河圖帝繫譜伏羲以十月四日人  
定時生孝經河圖云伏羲在亥得人定之應蓋自

天苞

出震

日角乘離當

黃軒之壽五十齡風馳昆岫路史黃帝年三十七即帝位十有五年而肆志

於昆正

赤帝之萌十四月太平御覽引易緯坤靈圖堯其雲母萌之元雲入戶蛟龍守門

覆

堯門

上以乾隆庚辰生是年為高宗純皇帝五旬萬壽洎乎芝檢祈

天乾隆癸巳

上名定儲告高宗純皇帝天蘿圖續

聖

青宮毓德納仙景以長春長春仙館即舊邸

授政後

高宗

之上居

熒殿膺符廓懿綱於時夏為庭踐位太平御覽引孝經援神契堯鳥勝庭荷即率乘龍之行鳴火改元仍問鳴雞之寢大園

大矩

熊皇之誨高陽

帝期

帝謀龍版之歲東序七作際

聖君之治遠邁庚丁重華格文祖之年適符己未是

則啓傳禹嗣卜兆庚橫史記大橫庚庚余以光如嬪嬌基

周回丙馭舜元年丙戌萌逢兩日由此再中景見三

星自然同色鵲林朱果豆萬葉以流暉烏趾黑丹萃

千祥而報德者也

皇帝履武康禋壇文右享禋享寶鼎瑟瓚觶爵焜上

欽柴

觶壇晝藹

二郊親記先昭日監之忱

記

上御製

北郊記

南郊

南郊記曰日監在茲何時有懌

萬乘步行未覺天門之遠今年祀遵乾隆二十五年舊制

改由外西天門進廣利門內降輦命太常寺量步行遠近以聞又諭朕春秋甫屆五旬一切登降儀

文並未稍青陽覺煩重

祈穀權再卜於春辛

立春後遇之則改用次辛自庚

申歲著縹軛  
為令

藉田舉四推於吉亥耕藉四推欽遵世宗舊制大采小米黝

牲色牲雨咨告縈於龍潭黑龍潭上嘗親詣晴報增歌

於鳳律十二年四月增設祈晴報晴樂章命憲章稽古幽贊崇今肅

祇睟穆之容般齋淵祥之氣而又命甘求傳

三年恭商后之憂

帝嚳

宗湯

太廟大殷人之禮四年九月年冬至高宗純皇帝升南郊五

年夏至北郊升配禮成吉行

祭畢象畔之上重敷今年二月清明上恭  
裕陵舉敷土禮肇祀

歸部

龍鼎之淵初謁十年京謁東巡盛雕孤寶甲潮幽館

而緝光綃帳葛燈過沛宮而睽舊故鳧驚守成之福

覲以蕭光而牛羊勿踐之仁延於葦葉金罍曲宴上

元

同樂之園每歲上元曲宴玉牒恭歲夾室

壽皇之殿十二年十一月移歲玉  
壽皇殿東西室

訓宣宗室宗室訓御製虎闌之教彌惇科選俊髦麟頤

之才畢預宗室自辛酉始應鄉試

孝思之錫類永矣民德之歸厚昭焉

皇帝以天元主鼎普賜租緡普免上受璽之初海寓

觀頤先捐逋責積欠七年豁免乾隆六十年以前

餘萬正毫殷之獻論禁貢物杜桑孔之利言

上深嫉言利之臣開升禁而減關征諭開玉石禁三

年減關稅歲淵珠而抵罔譬省歲則念徵雨好命官

則夙駕星言流火授衣而民皆挾纊餘糧栖畝而邑

有行縻每歲之冬令五城煮海飛霜問桓寬之鹽鐵

釀渠蓄石授王景以圖書

文命觀河有休於夏諺野廬戒道無擾於秋毫十三年

巡幸天津免所過租行賞有差  
諭扈從諸臣不得收受餽遺  
輅傳星流絕芭直  
而清候館城京露積懲雀鼠而飭倉人  
近剔除倉場  
其或五氏燮宣一隅乾溢已飢已溺憂軫  
驛傳諸弊

堯吁予決予乘

勤咨稷奏  
辛酉工賑其最鉅者他凡偏災無不廣賑拮据牖戶水衡班麟

裹之金修利坊庸耆氏通虎貓之蜡截雲帆之漕玉

煮二紅飛月省之章花占三白  
七年雪望殷或降旨詢問

由驛奏報輯綏雁戶無不被於一夫洞燭螟巢坐可周於

萬里衡樓邵壩竹捷鞏其宣房  
九年河南衛家樓工竣五年邵家壩工竣

癸趙壬燕金隄聯於格淀  
格淀千里長堤修於後河呈辛酉永定河工之後

亥既供龍鯉而能朝淮鎮庚神叱鼃鼃而使駕可謂  
照臨日月彈壓山川四極四和九功九叙而况鼎鑄  
饗饗則明勅電雷網解蛛螫則權衡銖黍罰歸月掌  
惕懸象於勾園復見天心聽達窮於肺石養春函海  
元氣為舟飽德餐和神泉如醴

天子所以鼓棹九宇埏埴群生者也若乃武丁酒醴  
每斟典學之編孔甲盤盂多採歲書之府

實錄擴

五朝之範

十二年  
高宗實錄成

御集重八載之規

以八年為一集  
諭御製詩

三百屬典會周官

六年續纂會典命十四篇志修漢史十二年續修國史十四志

熙朝雅頌百年思周道之興前山東巡撫鐵保編八旗詩集以進賜名

熙朝雅頌御製序文文苑英華千卷廣唐人之作編十一年續

清文穎命緝全唐文演孔圖而詮五始志在春秋

上熟於左氏傳盡卷不遺一字味餘書室開魯壁而

全集中御製文多發明左氏傳者

詠七觀聲聞絲竹御製尚書賦成耕織如繪

圖耕織圖詩四十六章御製題就木綿即稽禹貢年十三

章命緝授衣廣訓且自初元昕鼓觀璧水而

園橋臨元年雍釋菜九載賓門

幸鑾坡而置宴九年翰林院石渠稱制琴瑟五典之音

金華說經橘柚三王之味

每歲仲春筵宣講

御經露雷

至教則萬士鴻儀雲漢為章則八紘虎賁上藻六藝

下蹕三雍豈與夫芝房競歌柏梁比製至如三曾奮

武七德安民五溪陳丹浦之師

元年十二月平定苗疆

三省靖

黑山之孽

七年十二月平定三省邪教

祥飛霰雪方格苗頑

丙辰十二月

月十七日平隴報大捷是日

號剪紅藍遂銷蓮教

蓮白

京師得雪有號藍號頭

懔寶納款廩君存白虎之祠

本朝撫

教有紅號藍號頭

懔寶納款廩君存白虎之祠

流之議

見丁巳編戶從無加賦改

魑魅歸邪天壹奉元

狐之籙

萬平定邪教掃除脅從二十餘萬

雖復蝸爭青海

昔傳箭而無聲

五年九年撫鯨駭甌閩今伏波而盡

掃今年九月福建巡撫奏水師洗兵澄氣都為日月

之光吉語應期以侑山河之祚內則上蘭秋獮南苑

春蒐二校歸閑十二年今八旗三侯節射每歲隨圍

射熊羆教戰自披風后之圖干戚餘威猶動彤天之

舞由是鵠知北嚮馬亦西徠三十六國之懷方四十

九旗之受吏朱鳶絕徽冊號越南八年賜元

蒐外藩朝宗遼左四年冊封高麗鷺雍侍子再世封乎流

虬四年十三年再冊封琉球驃國來王隔歲輸其馴象比年南

象際天稟翔螭地占風然猶尺璧寸陰一餐七起

受虛納牖如懸安邑之幡御製

勤政求衣欲鏤甘讒之鼎殿記勤政箴御製勤政  
不改風搖翠蕙

堯劍霞綯元纁無增

舜袵

論節儉論廉儉論御製慎乃儉德

讀臬謨而用畏

讀臬陶謨御製

於在知人在安民

師軒誠而銘心

銘心御製壹意原誠

製原

誠六廉計吏

以廉為本論御製六事

舉措說德才之較

才德

御製

危微辨義利之防

義利辨御製

曜壁星珠卻

太史靈臺之奏

四年四月初一日欽天監奏日月黑合辟五星聯珠請宣付史館不許黑

江白雉輕越裳重譯之來

十年十一月黑龍江進蓋

以二儀悠久為成功故能單宥密亦以萬物綏豐為

上瑞故不侈珍符者矣乃者元日頒筵十行

下詔

本年元旦頒恩詔十有六條

告瀆肆眚之典封山修禊王

之儀

賜級京僚推封世澤夔龍加綬星是含譽黃綺兼梁  
國名扶老雞竿放曉丹筆弛於荼脂鹿瞳停租赤畿  
霑於橐飴廣賢能之籍蘭芷懷馨榜貞孝之門鳩鳶  
知禮於是朱于縵或八伯獻歌大瑟中琴六莖鏘奏  
金繩銀檢頻斯之字雷回鮫獻魚刀伊慮之琛雲集  
璧綦十二何殊洛水之朝經曲三千即是鈞臺之饗  
上且豫辭貢篚惟觀萬佛之林

十三年二月

祝釐毋許進金珠

玩諭

好札薩克六盟長等深誠言危欲錄千秋之鏡諭進  
進無量壽佛萬尊奉文字當如古人頌不忘規庶合對揚  
之義毋仍習佻巧致失修詞立誠之旨進甘膳府何

必取於瑤池

御膳

諭王公大臣進膳由  
房附進不必設棚

屏縟經壇非

所希於寶樹

負設

諭止廢  
立經壇

是知神明禮告盛多含鯉

鯉之恩福祿綏宜奉養得駕鵞之節維氏之言萬歲

非神筭之能推吉量之目千齡與飛黃而並駕圖攤

龍馬方開大衍之疇衡降麒麟必溥萬人之壽臣班

隨筆橐職在文章藉依東壁之光敢獻南山之頌魏

巍天大偕轅缶以謳謠旦旦日華附軒轅而鼓舞敬

考六經之義以陳九德之歌其詞曰

於穆生民赫胥驥連作求配命  
純皇是擊我應受之襲天元握先  
堯

舜禪一家萬古疇比肩

飛龍見龍承翼重乾扶光再中兩離麗天  
上天之緯昭昭璣璇示我顯德行若遵大路然我之  
迓衡太和在甄樂以天下殷殷轉轉

右祚德第一

聖惟憲

天五建時若玉式金心七聖儼恪嘉生三時降監天

尺為萬民祈福昭事上假日為御製天下萬民祈福北郊記

於寸衷昭事庶幾地祇焜樵蒸薦瑄帛虬麟訛爛傑赫雲

上格  
聯盥殷鐘石靈之來光煜燐委瑞如山橫六幕

右敬德第二

金枝郊寶

聖謨孔彰夙興啓讀中心齋莊

上每晨恭讀  
先朝實錄魏

魏

安佑宮

世宗  
安佑宮供奉  
高宗聖容每遇清明行禮  
翼

翼

繼德堂宮

上自定儲  
高宗賜額曰繼德堂丁巳  
毓慶  
御

製有德堂述志詩繼配下武宣重光惟日孜孜晨食不遑

勤用明德銘軒机今見堯牆

大孝治天下風簫吹萬方

### 右孝德第三

純矣至誠乾綸坤彌淵矣至神奮雷照曦大矣至仁

禹泣赭衣熙矣至明舜聰不疑至道是寶孰寶金璣

天西大玉棄之河湄十一年十一月有欲獻葉爾堯大玉者諭由五百里行文

棄六計貴廉羔羊委蛇礪垢薶芳簋糈投醕倉無蠹

飛庫無蠹肥驛無害馬漕無魴飢

### 右達德第四

紉縵縵兮光華舜且兮鴻藻景鑠魏乎煥兮典謨訓  
誥炳麟麟以昭爛兮菊莖蕝兮藟雲漢山昆侖兮水  
睢渙卷阿第祿游伴真兮天下文明鳳秋秋其翺翰  
兮

右文德第五

鑠收功大武成赫九伐師徂征麾天戈掃攬槍衣花  
趾紛僮僮羽干舞桐鼓鳴武谿水風澄清買牛犢歸  
春畊秦蜀楚莽飛鼙夷陵火劍閣銘殺函險巴賓兵  
蹙駭庶繫言程威策無聲狗吠不驚

聖人有道安泰平

右武德第六

河亢翕民安作斗車指天津紫馱六虬躍庶旌焚麋  
金鏤鏤錯葩瑤曲莖曳飛雲元弋鉤陳照瀛漢千里  
隄控坤絡亘兩淀帶二泊秋風竹圍堅春水桃花落  
帝觀宣防朝海若兗豫及淮徐灋澹土功度柔百神  
榮光爍翠嬌川元扈閣

右吉德第七

淵溥博兮恢台薰兆人兮沂九垓飢行靡寒授衣發  
賑粟勝玉璣蠲民租屢豐綏原泉逢涌自我  
聖涯雲油雨甘我滋澍之非惟滋之又天下肥之太

平既醉春臺熙熙

堯仁如天萬物慕思

右普德第八

天門詆蕩開上宙瑤光玉繩麗雲構搏桑冠珥黃人  
守象轡昭庭玉蚪候華蟲齡齡編藻繡外臺赤帟萬  
鱗湊趙趙猛簾發金奏贊拜丹墀率舞獸康衢老人  
背僂僂扶杖闕下結衽袖我歌且謠和童幼銅佛銅  
匾擎獻醕曰祝

聖人熾昌富

本年九月河南耆老何國良挈幼孫來京師獻銅佛銅匾數事

上命賜金

之先

天後天天所佑保定孔固俾單厚日升月恆朔而又  
倬哉方圖載與覆德施閔大世曼壽

右壽德第九

嘉慶十一年蠲免臺灣府屬錢糧恭謝劄子

臣某等謹奏為恭謝

天恩事月日内閣奉

上諭閩省臺灣所屬因洋匪蔡牽肆逆賊氛所至小  
民畊種失時本年應征地丁錢糧概行蠲免其附近  
滋擾處所並察遠近酌量應免錢糧分數奏請加恩  
欽此欽惟我

皇上瑞席蘿圖恩覃卉服丹垠釋警環瀛銷鹿駭之  
萌赤縣綏豐栖畝溢蟬鳴之穗耨苗已治曾無螟葉  
餘蟲吹黍所周不漏麟洲小水屬閩嶠有潢池之擾

惟臺灣隔島嶼之遙偶啓蜂屯遂煩虎闕含沙射影  
暴庸肆於鯨牙捧海澆熒功條成於犀手一鳴桴鼓  
肆靖彈丸雖義在戢奸而

仁殷求瘼瞻蒲望杏虞東作之愆期吠犬鳴雞軫南  
荒之避燹覈瀛壖之租挈

飭量吏以蠲符令甲咸除畦丁遍

賜雲琴未撫艱鮮下卹於偏隅郡稻閒傷蹂躪旁稽  
夫遠近惕一夫之溝壑人以為田捐千頃之金錢地  
不受寶拊循雁戶綏輯鯁人海濱無呼癸之聲徼外  
得由庾之樂黃封馳傳想飛帆鹿耳之門赤嵌班春

適洗甲鯤身之島臣等身侍闕庭家隣岐海竚波臣  
之受職魚鮪無驚聞壤父之歌衢饗殮如故從此女  
牛絕域一星通天稷之源蓬閬仙邱九熟獻扶桑之  
種所有臣等感激下情謹合辭繕摺恭謝  
天恩伏祈  
皇上睿鑒謹奏

嘉慶二十四年普免錢糧謝 恩摺

具呈在籍翰林院編修陳壽祺等為合辭懇詳代題  
恭謝

天恩事嘉慶二十三年十二月十二日欽奉  
上諭以嘉慶二十四年

六旬萬壽普免各省積欠及因災緩征帶征錢糧欽  
此欽惟我

皇上

升恆久朕

容保無疆溯元祀之

撫辰暨四年之

親政頻叨

恩詔普免租繹固已

愛育黎元

禹貢寬其納賦恬嬉畊鑿

堯仁戴以如天乃逢冒卯之瑞年復慶由庚之同樂

躋八荒於

壽寓鳳紀延洪登萬姓於春臺麟洲格被

龍縑霧落

頒十八道之蠲符廉町星羅洗億萬家之逋課騰黃

廣示言在誠中畿赤周覃道施並下饁婦餉童之外  
戶絕追呼斂穡獲穉之餘家豐委積寔瀛食

德將含哺而矢衡歌薄海臚歡並延僚而申華祝某  
等梓桑睠念偕沐

醴膏葵藿傾心仰霑

閭澤南山獻

壽齊歌天保之章東部蒙庥敬應海隅之域所有感  
激下忱理合聯名具呈籲詳代題恭謝  
天恩切呈

嘉慶二十四年 恩科謝摺

具呈在籍翰林院編修陳壽祺等為合詞懇詳代題  
恭謝

天恩事臣聞九如受祿天詒保定之宜三物掄材國  
重賓興之典是以棫樸之蒸髦士壽考頌其作人臺  
萊之樂賢能德音歌其不已八紘衍慶六幕同文欽  
惟我

皇上

軒紀宏開

堯思廣被觀文成化懸五緯於天璣敷奏試功選九

能於海寓疇推

皇極歛五福以敷民道協賓門達四聰而籲俊湖上  
元之章會月枝幹初周開多士之甲乙科春秋特舉  
日華復旦成二儀悠久之功雲倬為章洽四海揆文  
之

教臣等忝居藝苑隸籍閩疆翹首

楓宸捧

璽書而感奮霑

恩梓里偕逢掖而軒轅願緱氏之神言齊呼

萬歲喜周宮之大比不待三年所有感傲下忱理合

聯名具呈額請轉詳代題恭謝  
天恩初呈

道光十一年辛卯

恩科謝摺

具呈在籍原任翰林院編修陳壽祺等為合詞懇詳

代

題恭謝

天恩事道光十一年正月初四日奉

上諭以本年

五旬萬壽舉行鄉會試

恩科欽此竊以化洽唐虞賓四門而招俊乂謨承文武教三物而興賢能八極絜其同文萬年繩於有道  
欽惟我

皇上

升恒天保

文明日新稽盛禮於初元首開大比

先型於

聖節

特錫

鴻恩

寅紹丕基式敷

慶典

撫辰凝績億齡綿鳳紀之期論秀書升十載襲龍田

道光元年 恩科謝摺

具僉呈在籍翰林院編修陳壽祺等為恭謝

天恩籲詳題達事竊惟

重華踐位首開籲俊之門

下武成乎是誦作人之雅嘉魚式燕樂在與賢鳴鹿  
周行音惟昭德歡騰海石慶洽寰中壽祺等伏遇

皇上

禹緒敬承

堯文丕煥義菁中沚在

孝思嗣服之初梧蓁高岡值久道化成之後三霄鸞

鵲始下

雲章九野鳳麟聿張天網特增解額復

賜開科誠渙號之

殊恩允育材之異數行見星連牛女斗間無不射之  
綏光地近蓬瀛海上有必收之琪樹所有感激下忱  
理合僉呈籲懇轉詳題達恭謝

天恩切呈

之卜南山獻

壽並臺桑而樂得賢

大衍摛圖契義孔而觀成化霓裳同詠游開放榜之  
天雲錦新裁重織登科之記山陬預祝海澨同歡行  
見翺羽高岡召輿奏吉人之雅游鱗大壑王褒賡多  
士之詩所有感激下忱理合僉名具呈籲詳代

題恭謝

天恩切呈

代阮撫部夫子謝賜園中鹿肉劄子

奏為恭謝

天恩事臣賫摺差弁回浙捧到

恩賞園中麋鹿肉一分臣隨郊迎至署恭設香案望  
闕叩頭祇領訖伏念金方順氣畋遊禮應夫軀腹

玉路臨邊體委恩覃夫象譯本

列聖相傳之家法溯

高宗在御之

睿謨虎落張軍講事者六十餘禩雁臣款塞來賓者  
四十九旗

皇上懋績駿聲恢揚鴻緒闡山肆武將蕪示其懷柔  
芝蓋巡方允善成其繼述

輦路無煩於儲侍百城則仰息羈居山祇競護于嶢  
靖六幕則聞風蛾伏當灝水按屯之始正秦山破賊  
之時

清蹕才停捷書遽至羽千載格誠哉

帝協重華

鹵簿方經藐彼縣名聞喜遂使氛埃盡掃喻破竹以  
成功凱樂遄歸歌採薇而計日岐陽勒鼓不足並其  
奇勲漆澤扶輪詎能方其偉烈臣清塵未奉仰竚

鸞旗吉語遙聆歡偕鳧藻乃復榮霑膳府寵沐  
天厨賞分左耳之鮮珍助南陔之養恩叨嘗饗念充  
庖惠洽乎騶虞典誌頒禽知振旅威宣乎司馬臣政  
慙漢守莫徵夾穀之祥躬諷周詩彌戴食苹之義所  
有懼忤感激微忱理合繕摺恭謝

天恩伏乞

皇上睿鑒謹奏

平定臺灣代郭有堂叅軍上嘉勇公福大將軍

百韻詩序戊申十八歲作

蓋聞星陳河鼓高三將於微垣風夢軒臺授八門於  
姬水靈貺叶故文終應於昂精鴻伐熙故元國圖於  
甘露然則把天瑞令為國長城車五侯九伯之征罷  
二御三安之義何有於蜚毛煽醜螳臂當鋒麾蕭斧  
以摧枯鼓洪鑪而燎髮者乎恭惟大將軍嘉勇公麾  
下雲雷讚業草木知名受黃帝玉兵習太公金匱霍  
冠軍之蚤歲驃騎騰聲班定遠之名侯龍沙坦步固  
已四荒撤幕萬里懸旌乃岐海之浮漚有涉洋之聚

窟田橫逝後幾換蠻花徐福浮來誰求仙藥自隋代  
虎賁略地未收五十與之全區洎我

朝龍節行師遂奠二千年之荒徼疏通水道越裳喜  
息於揚波區別方輿交趾曾聞於立柱蓋犁雲畊雨  
盡託

皇人雖番舶蠻琛胥露

帝渥何意鷹從鳩化貙以狼生敢倚豺牙妄憑萬尾  
鬥因蝸角類太元戰蟻之為妖巢亦蚊眉視鹽水飛  
蟲而更藐自外

舜琴之化奸宄相訐即逢

湯網之開兇殘難追是必樞旋北斗分揮辟壘鉤陳  
因之路指南車遠出棘林桑野白雲暎海驅七萃之  
旗旄紅葉凋林閱四時之襦袴想魚枯而可索乃虎  
負而猶持未窺魯縞之穿暫緩吳刀之剖

皇上珠囊闡緒智握珠鈴玉斗斟元神融玉鏡以為  
鵠知北嚮終隨梧鳳之棲鶚不東移難恃桃蟲之化  
天弓下指射白狼以廓重氛星鉞遙麾占朱鳥而釐  
列宿

詔公入持齊斧出奉威弧遣韓說代張成用馬援討  
徵側擁三星之幡幟太史祠兵駕萬里之戈樓將軍

橫海龍旌雲捲即揚豹尾之麾  
虎節星馳迅入鯤身之島時則恭承

廟算決策驚門式總師干進軍  
鹿港招攜義旅頻來越國之六千  
超距驍徒何止魯庭之七百公先  
令副將軍海公四驅飛鞚八卦登山  
游弈捉生舉幡探賊薜門曲折灌  
夫深入而具知溪谷間偵韓果登高  
而悉見達奚之潛巡上馬僅挾三人  
李廣之親殪射鵬何須百騎於是期  
攻大里進發元長七步止齊九章具  
舉陸幼節之葺其牆屋地避龍頭衛  
仲卿之環以剛車軍張鹿角士疑譁  
鉦不煩魯柝之聲兵盡然薪如望

吳燄之火垂風附景批亢擣虛燕幕知危雀巢迸毀  
師次牛欄溪分以兩拒羽商角徵之兵鎮以中權北  
牡方圓之陳大黃風勁歛清地軸之塵太白星寒高  
照天旗之影雲雕沒草駿騎如飛風鶴驚山蛇牙並  
失埽闕者一當千百蹂躪其十有三遂能窮躡豺  
狼進綏鳩鵲鄧仲華之收麥羊牀子之刈禾盡因楚  
館之資並賑宋城之饑撫三軍而挾纊趨百里而贏  
糧公復申整伍符併攻三路備其西北亞夫料敵之  
神戰其東南道古麾兵之勇追及之於大里杙巖日  
澹而旄頭落陣雲深而畫角哀山林據三覆之形聲

勢動九天之上二千漢幟爭入壁以雄馳七百晉車  
儼曳柴而橫擊屈瑕之覆諸山下無扞採樵張郃之  
追於道中早譙題樹無堅不破窮虎方奔所向偕來  
哀鴻爰集於時卽將蜀都之過負弩先驅海沂徐郡  
之康佩刀獨握諸番杜乃占風受吏測海來王知中  
國有

聖人化此輩為孝子虞處桐花椰樹棘童與狎老相  
攜家家文錦冰綃龍戶共馬人併集牢山之龍身鳥  
語隨賢粟以歸誠夷水之幪布寶錢跡不更而輸賦  
譬彼旄牛納款兩區通唐荅之歌射虎申盟七姓獻

巴渝之舞信乎驅驅足使何虞竄竄之磨牙捕鹿將  
擒復得駒支之犄角再及之於濁水溪雲排埤垸尚  
築重碉霧列輶輶宜施翔旒石如飛雨橫捎列缺之  
鞭鐵作流星亂扇蜚廉之炭丹杖拔赤龍之鬣燦電  
潁天彤幢迎朱雀之精火雲赭地萬山皆響砰訇  
而擺雷礮一鼓先登散雪而凌日域戈矛蕩滌鏡  
鐸喧闐羗拂翼以蜻投遂拖腸而鼠竄復及之於  
樸子犁森岑峭壁愁度猿獠附葛攀藤爭登虎豹  
雲梯下瞰將囚貳負之尸石扇中開竟躡巨靈之  
蹠扶搖九萬上出重霄組練三千長驅五夜地中

鼓角真草木之皆兵雪外弓刀想儲胥之長護直  
遣貔貅競奮悉踐沙蟲不勞鵝鴨爭鳴潛銷木魅  
殘魂孑孑已為遊釜之魚獻馘纍纍旋得驚弓之  
鳥既通北道爰發南軍大武壠之莊寮穆嶠潭之  
營壘鎖鑰全收於玉案藩籬卒撤於琅嶠功同三  
鼓崑崙捷類決辰莒鄆妖星墮爛雲開傀儡之峯  
蠻雨回晴日射琉球之嶼一封露布夜到甘泉千  
頃星羅春回幼海北路三貂者地非區脫人實併  
張蚺聚獮鯨蜂屯已久乃以令從渤海烏捷即買  
以扶犁諭自廬江白馬相迎而解甲谷永之招烏

許並受衣冠祝良之定象林獨馳車騎擬彼票姚絕  
幕登魚海以封山過於伯度提兵躡龍庭而紀石況  
軍賜義兒之號農承蠲使之符萬姓春臺八屯秋駕  
前軍紅旆牧馬朝還壯士錦衣授戈夜卧金笳嶺嶠  
折楊柳於三春玉笛江城落梅花於五月蓋

皇上軒弧在握湯鉞有虔振丹浦以陳師

御紫房而授令而公仰懷

天寵丕耀元勳除鑿齒於疇華斬鱗頭於絕轡宜乎  
漢家上將錫加玉靶珣弓晉室宗臣拜受朱幢曲蓋  
樊子蓋赤心奉國特進濟公段齊州子髮生風繪形

貞觀恢恢乎九儀之超秩百揆之式型也從茲軒轅  
帝載潤色

皇猷潢池無盜弄之兵武庫有建橐之器白麟朱雁  
交入歌章黑豹黃羆遠輸獻令俯窺坤絡窮五億十  
一萬步之行翹矚乾維渺七百八十三官之紀豈直  
搏桑挂日燭蛟蜃之樓臺菌桂乘雲奠魚龍之宮渚  
也哉庭筠從軍學祭草檄慚琳無被羽以先升忝題  
輿而游擢祭悌孫之博士虛侍投壺桓子幼之參軍  
未堪挂笏自同馭吏私感車茵敢廁功曹強扶衣幘  
薦子雲於熊館豈徒賦秦長楊聽方枘之鸞衡竊仿

詩歌采芑云爾

許畫山硯史序

昔玉紐篆於帝鴻金匱書於尚父苞符既吐石墨斯  
鐫洎夫銘申李尤翰染王粲方撫梁武之圖圓製邱  
遲之句點儻文字曜明典章由來久矣其後詞盈縹  
帙事輯青縑則易簡辨譜於文房唐詢著錄於北海  
高氏箋成於嘉定曹昭論鼎於辰沅上紹君謨永祚  
之編下沿之彥秀穎之譔然而柳公題品首第青州  
唐積繪圖祇陳欽石自青花抱水肇長亨之高吟碧  
鏡連漸標咸用之麗製由是縉雲葉樾專譜端溪襄  
陽元章獨裁硯史三巖玉林此其職志後有作者莫

能尚已予友畫山許子博物齊張繩祖姬范屬游越  
海之濫遠攬斧柯之奇其地也峽束靈羊潭翹飛鷺  
控蒼梧之重嶂夾黃圃之深坑靈竇無風瑶草自綠  
幽巖過雨琳腴皆青雖玉卯星排火傷於山骨而珠  
泉月孕仍沐於烟華是時某太守適來剖竹命濟同  
舟號名鬼工鏡發天液運斤攫人之手轉綆龍伯之  
淵瀉翠濤於九秋割紫雲以千片馬肝滴髓扣蒼砥  
而鏗然鴈眼浮漚洗春波而欲活遂乃貯雪池之方  
室歸玉谿之山房晨霞競頽暮天一碧風瀾近玉落  
花紅粘霧縠吹痕漂墨儼起以君有冲任著論之才

為王鞏求銘之請寫蚌胎及犀角羞龍尾與鳳珠徧  
錫嘉名積成盈卷凡硯若干枚得銘詞若干首壺裡  
九華奔騰於紙上袖中東海吐納於几前斯可纂壁  
友之間評補萍妃之外傳也君登進士第鑄匪矮桑  
現宰官身癖同顛米鬱林之石豫擬於他年洮河之  
壺稍令於疇昔注老氏知白之旨悟其猶龍佐子雲  
草元之辰隨以吐鳳所謂得綏山一桃亦足以豪者  
非與若壽祺者金聲難擲黼理未章慚銅雀之詩名  
乏玉堂之新樣石交可託幸遇乎故人墨妙無倫心  
傾乎大雅乃知吳融八韻虛矜古瓦之姿洪适三書

左海乙集

卷一

卷一

二十九

難檀盤洲之刻

許周生駕部鑑止水齋集序

鑑止水齋集者吾友許子周生所為詩也周生清門  
高廕綺齡英妙言有壇宇行束圭璧畊道獵德華春  
實秋程曾通難五經張衡覃思靈憲自帝魁世錄孔  
甲遺書宛委銀編頻斯玉簡羽陵締裘延閣籤牒莫  
不囊括典文津涉潭奧任末經苑傳昭學府靡得專  
美於前矣旁究靈樞兼通楚夾曹衣稍染牙徽偶弄  
迨出緒餘發為歌詠寬而靜廉而謙恭儉而好禮肆  
直而溫良淵淵乎擇五際揜群雅之才也然吾有感  
焉當嚴尊方伯敷歷外臺紀綱左轄君常佐餞堂北

潔羞陵南七年客滇八載踰領四瀆涉再五嶽登三  
繚裙屐於韶年集脂膏於美蔭藉使效王謝之輕華  
慕原嘗之豪舉逐名聲之韁鎖捐幽贊之絃韋觴酌  
陵波於前絲竹抗墜於後雄氣雲涌激情風烈攬馬  
首而龍睇撫魚腸而虎趨胸吞雲夢躡躡太華豈不  
足以駕八厨之名士傾四姓之小侯而乃遠性風疎  
清修雪白胡威侍質猶詢匹緇吳祐隨懷不營汗簡  
諷讀習戴宏之音綺紉非班伯之好宮商閒作山水  
方滋物疎道親室邇人遠集中諸作大半得諸趨庭  
皆神禪其詞蘭荃其質曄悅之習屏濠梁之氣多茲

非知雄者守雌得內者遺外九旋之淵鯢潘未足窮  
其深千頃之陂澄撓莫能遷其性乎不然則比者絳  
趺始華思補束皙黃籍未湍遽歸子平陟岵非嗟投  
簪何速蓋筆者心畫言者心聲所謂鑑於止水猶前  
志也由茲以往斟酌大樽沐浴神漢孝子惟孝證道  
緇林乎之又乎忘情丹轂將令海內陶化染學激薄  
停澆豈徒以翰墨為勲績詞賦為君子者哉壽祺俯  
慙敬禮定文之託仰謝士安作序之能試濁水以照  
明珠覆坳堂而容浮芥雖同卧湖山之側日燭鬚眉  
之間然乃心如廢井惡免壑譏而澗媿也

葉培根明府申蘇二樂圖序

培根明府父子談遷弟昆軾轍一門通雅累世清華  
曩從輦下曾繪斯圖把卷持杯題云二樂夫謝淪此  
中惟宜飲酒賈逵好學問事不休呼明月於青天揖  
古人於黃卷酸鹹殊嗜肺腑生香以斯云樂可與終  
始君方由詞垣出宰遠徼碧雞金馬同王褒萬里之  
行吉日良辰奉班惠東征之賦或者簿書倥傯瑣  
蕭疎疲役恭然此事遂廢然而文翁化俗必授七經  
孔公治事惟醒一日則黼黻道德醞釀中和糟粕皆  
聖賢縹緲亦有饌同民所好於我何傷祖道之先錄

別有作余緣持服未敢賡酬驪駒在門風雨遂邈識  
之簡末以永寤思他日洱海蒼山盡諾坐嘯一觴一  
咏亦吏亦仙雖不忘彭澤羲皇之思抑未減元龍湖  
海之氣乎

吳荷屋都轉筠清銷夏圖序

夫柳陰鍛竈遂忘祝融之威樹蔭臨窓高卧羲皇之上  
達人為樂清景相娛豈必浮瓜沈李於南皮醉月  
坐花於河朔然後舒其襟抱遣此風光乎同年南海  
吳都轉使君南山之材不揉自直東箭之美有斐可  
歌通籍宮門殺青秘府食鵲鸞之實餌桂同香栽獬  
廌之冠彈蕉厲直既而捧英蕩之畫函臨鄆杜之陸  
海善建不拔中立不倚移節海濱均輸泉府虛心體  
道勁節凌寒政以禮成翛然意遠回思京輦三復斯  
圖南階猗猗頗涵露粉東橋籊籊徑上青霄非梁苑

而歲蕤異淇園而爛漫於時火織當空甬杯闕飲簣  
簣為谷箭筈通門叢綠成天空翠欲雨脩不受暑疎  
能來風十丈紅塵不到琅玕之館萬竿蒼玉頓寒長  
石之山帶煙色而森沈傍湖泉而細響薜蘿在眼圖史  
盈前披退谷庚子之記讀江邨甲乙之錄以云銷夏  
良足怡情何俟蓬山細沙紛飛雪霰臨賀盤石如聽  
笙簫始可以澡慮澄心除煩掃穢者哉君葺荷作屋  
善讀離騷落花無言坐瞻佳士士衡篠飲思鄉轉深  
赫夜林遊興復不淺報平安語將營菟裘一林封瀟  
灑侯莫蕤渭川千戶寒氷白玉清瑩祛炎皓露秋霜

瀟湘寫曲頃遘三庚之節不紐六癸之符但友此君  
果然道暑余慙不敏願結同心則使寬夫載筆亦娛  
霄月晴煙騎省攄懷宜屏纖絺輕笈者也

劉生集李杜詩序

劉生系龍金刀貧歌玉藥幼而畫荻長乃負薪溷司  
馬於壚頭寄伯鸞於廡下代雙魚之書札評六燕之  
權衡但遇賓王便呼博士何來慧遠亦識遺民乃猶  
編柳鈔經截蒲整牒遊王充之肆必挾縹囊傲闕澤  
之傭惟搜緗帙時或爭亭載酒不辭問字而來辟諸  
蜀肆垂簾惟以著書為事秋燈帳薄夏簟杯濃既擁  
被尋章亦當筵染翰滿城風雨防意敗於催租數卷  
升黃半光偷於鑿壁子虛亡是僻詭居多賓戲客嘲  
俳諧不少縱使郢斤未斲齊瑟徒工枚少孺閒有蕪

詞揚子雲悔其少作正復謝華啟秀不廢碎金抽祕  
騁妍何嫌殘錦乎若乃毛詩纂組為傅氏之權輿杜  
句編聯見俞家之叢說王半山一篇百韻文信國四  
卷單行合清詞麗句以為鄰丐賸馥殘膏而各足君  
遽相祖述轉益多師匪喪已珠而求若珠能除卿法  
而用我法天吳紫鳳圻舊繡之衣襦翡翠蘭苔浥餘  
波之綺麗靡弗抽黃對白刺翠裁紅錘鑪濯錦江邊  
俎豆浣花溪上且夫拾遺舊作頗學陰何供奉奇篇  
亦兼庾鮑雙鳥互鳴於天地六丁交攝於風雷如來  
不現後身海內誰論長句君深窺壺興論一屏乎元

積細緝珠璣製重追乎張雨琴號百衲扇名九華綃  
夜賣於鮫人綃晨鋪於龍女猩脣熊白坐傳婁護之  
鯖鳳翥麟膠迸煮吳明之鼎此則雙環並琢兩劒偕  
鐫窮作者之苦心踵才人之能事乞飛霞於吏部尚  
留金薤琳琅喻明月於坡公豈病家雞野鶩也嗟乎  
江淹孤露陶侃貧寒王應仲牛僧之高人溫子昇馬  
坊之儒士自古蒿萊之輩恆甘蓬蘽而行況乎錦繡  
為腸笙簧在手隱淪城市肴饌菰文視彼劉毅牀間  
惟投黑犢王戎墓下但唱黃鸝智拙攸分妍媸迥別  
由此書田稼穡終陪虎觀之儒筆陣縱橫遠播雞林

之賈一弓如封冢上或化為土鼓蕢桴十年更張鬲車  
前爭致於瑤篇繡軸

代送徐郡伯之泉州序

伏以玉麟鏤篆銜紫詔以雲飛銅虎領符排朱轡而  
雨灑黃龍望府白鹿隨輪香生柳惲之蘋蔭滿鄭僑  
之槎惟我使君駒王妙裔駕水名家龐士元定稱州  
端趙子柔先遷部尉珠宮貝闕橫厖耳以揚舲負嶠  
方壺瞰雞籠而鎖印屬以海童邀路颺母翻船南荒  
之筦鑰相驚東港之風濤不靖目蝦腹蟹多噴沫以  
飛涎舐鮪王鱸半揚髻而掉尾三茅港外極望蠻烟  
八卦山前無邊瘴霧鷓鴣江介遙馳韓說之軍貔虎  
營中屢發王恢之節公乃崎嶇荆棘翦刈蓬蒿探虎

穴於羆岷關蠶叢於鯁壑想單車之徑赴危涉羊腸  
嘆一劍之猶存誓隨馬革一時談笑收絕徼於三貂  
名滿目旌旗怵殘魂於九兕陳衆諭降之烈宜祀廬  
江王祥糾義之勞定謳徐郡以故出隨虎旅即授呂  
虔之刀入謁雞人遂拜蕭育之策冠飄孔翠軾驅畫  
熊息浪滄溟專城赤望渤海之帶牛佩犢意在斯乎  
漁陽之秀麥桑桑今其時矣某夙仰飛鳧新聞夢象  
手揮白羽信涼州之堪效孤軍目轉朱帷知交趾之  
自馴萬姓想見看花父老喜次公之重來騎竹兒童  
待細侯而不去

何上舍聽泉圖序 丙午十六歲作

南朝子朗東海思澄小山精舍別遷幼則衡門寄傲  
躡鍾阿之草屨徐景山未墜酒鎗開官閣之梅花何  
水部重邀詩社襟懷瀟灑大有勝情寄託清幽宜綠  
家學則有烏衣舊巷鶴臺高人託契烟霞澄情竹石  
領清音於山水通逸籟於天人所居在庶讓之間得  
道出聲聞之外學觥俞之飛耳五蘊都空證濠濮之  
會心千潭如印曾呼潑墨自署聽泉置邱壑之間身  
作鍼砭於俗耳吾想夫鄭圃通幽習池選勝吟月孤  
松之徑讀書深柳之堂嘈嘈而兩部蛙鳴唧唧而一

燈螢語時跌宕於玉軸連雲之架敲壺則屏筋皆低  
若砮訇於銀毫鬥碧之塲擊鉢則龍梭迸織洵有情  
兮信足樂也至乃家能楚舞僕善秦聲吹竹叩桐敲  
金擊石劍起而高歌斫地絲肉驚飛酒酣而奮袖仰  
天缶箏迸響莫不低回團扇繚繞文梁志流水之浩  
波想淵鱗之潛躍又如窗開簾幙篋啓圖書清磬左  
懸古鐘右設蓮花滴漏韻度樓頭茗葉烹烟聲浮松  
下印蒼苔而響屐花閒則橐橐徐移對棊几以彈棋  
樹外則丁丁靜落茅簷卓午鈴聲當放鴿之天花樹  
生春斗酒赴聽鷄之里斯皆足以取懷而予入耳不

煩資鼓吹於詩腸助丹青於畫手者也乃以訪少伯  
之扁舟忘情廣廈誦蒙莊之秋水直撲塵氛麗矚屬  
清潭碧澗之間遐心動枕石漱流之想若夫左太冲  
往矣願濯足於萬里流中成連子適然曾撫操於一  
航海上對輞川之一幅恍聞萬壑爭鳴張琴室之諸  
圖欲令衆山皆響坐懷前括仰慕遥情摹北苑之秋  
嵐貌南宮之曉岫初誤芭蕉之雨夜挂冰綃忽驚瓜  
蔓之流春移錦幃蓋以意同謝客愛聽石磴之鳴泉  
遂如題自李侯為看廬山之瀑布噫嘻天猶蟻轉人  
自駒過競逐蠅頭徒為雞口唯達人之落落渺萬慮

乎茫茫常放浪於形骸亦浮雲於富貴斯圖也將欲  
澄繁濁滌神靈共雲水以清遊步滄浪之佳話喧既  
非我含真道之冥冥逝者如斯悟源頭之潑潑以視  
微風搏石韉鞞聞鐘急雨空階逍遙署館上蘇門而  
長嘯半山之鸞鳳清脩登金岫以遨遊孤棹之鶴猿  
悲壯王禹偁樓臺平接宜竹響之千窠陶貞白庭院  
無人愛松濤之萬斛皆異事而同情亦騁懷而極樂  
矣雖然謝東山之遊覽猶事虛談羊祜子之登臨怪  
多悵眺哂買山於支遁未問巢由吟張樂於洞庭誰  
忘怠惑又况瓢何因而挂樹琴何事而無絃彰聲者

恒以遺聲懸解者勿求甚解彼巢父之河干洗耳豈  
有同心而休文之纓上霑塵寧無是願者耶壽祺文  
非綺組學乏縑緇測海何知披雲未覩顧感元音於  
地籟未應叩不能鳴倘添一席於風泉竊亦後而欲  
往屬徵鄙製爰綴蕪詞滕閣之記於昌黎詎為挂名  
其上盤谷之序乎李愿聊當對酒而歌焉爾

代阮撫部夫子祈雨天竺大士文

恭惟大士靈騰三竺澤洽四洲天與湖山地多花雨  
曩者梅霖溽夏麥氣凋秋羌邀慧日之暉屢補漏天  
之罅乃雲師始退而旱魃相乘曝海霧於乾會燒江  
風於槁穢八州燒壅憂赤地之將成彌月荐瘥扣蒼  
穹而固訴其俯軫綏撫仰占蘊隆雖有祝良引罪之  
忱而無束指通神之力念民命之餘喘宜佛慈之大  
悲業能拯溺逝川必復拔焚火宅爰迎寶座再降香  
壇伏冀能仁哀茲若渴輒離薦嶺棄大願之船亟引  
龍池洒如來之鉢積衆生之涕泪皆灌祥河前無量

之心田即飛法雨大雲所注必滿恒沙甘露同餐仍  
滋香國昭蘇物土歡喜人天謹告

代許明府觀風曲阜文

曲阜縣星應奎婁雲連海岱泉區廿八門羅十二豆  
以甌岫經以帶河氣淋扶輿代鍾指聖粵自大庭立  
而五風異魁隗遷而九穗敷治接義繩風開魯宇璇  
宮歌於文梓丹籙降於窮桑文字萌芽於斯肇祖繼  
乃繡裳赤舄官禮成書崇鼎夏璜典策備物是以英  
多颺起文學蔚興數通六羽言書三英赫孫之嫻風  
雅梓慎之習呈占載誦曩篇式欽前喆洎乎龍蹲闡  
道麟紱吐圖適洛鈎河散六制二然猶徵陳楮對楚  
萍推赤雀於禹書辨玉羊於季井信而好古博而無

名其時扶老洙瀕觀儀矍相公門儒士則千問莫窮  
達巷黨人則七齡取式何況身通六藝教被四科括  
直木以從繩挈大樽而仰酌者哉由茲以降人文彪  
炳言其大略蓋有數端且夫鈎盤簡帙經瀆播於九  
枝杪柞龜檀潭根蔭於百畝源遠者流長幹深者枝  
茂故康成隱曜翕然邑立公鄉世道含淳尚復居名  
孝里矧明德之後必有達人君子之澤豈衰五世乃  
有折檻旌直設醴尊師儕七相者丙侯榜八厨者蕃  
嚮國乘流羨家諫遺芳若其聖域常開仙源未歇次  
儒秉謙退之節德讓含清妙之風伯本北其蛇祥元

上符其龍德百石卒史奉禮亢宗泰山都尉緝熙就  
業潔標子建孝著彥深條時事於君嚴震諫聲於原  
魯莫不行有枝葉言為壇宇涵泳聖涯挾張天口此  
則德能之鈞範魁壘之淵林也嘗慨秦亡金鏡漢啓  
珠囊緯候滋焚典墳淪散赤虹已滅罔稽北斗之神  
丹雀不來誰識端門之字何意素臣雖往赤制更昌  
餘燼復然斯文未喪憑陵弓劍幸藏孔甲之書飄渺  
金絲重聽恭王之宅乃有高堂授禮申培說詩榮廣  
春秋周霸書易青然校錄墜簡出於淹中綠錯傳經  
先師呼於棘下以逮仲和之夙居東觀都尉之先啓

夏侯默之之獨注穀梁仲遠之奏書貞觀琴第五典  
筐篚六經神霧探幽別風訂誤使韋編鐵摘再炳於  
緇林青文綠字新摩於天祿此則經郭之鈐鍵學耨  
之留畬也至於河南韓勅禮器終湮上谷府卿石龕  
半泐珍靈七璧難通懸甕之書麗眩千門易輟靈光  
之製茲則詞源藻派藝圃寒條人握隨珠家懷荆玉  
乃有樵家尸子賦手慕侯北海奇文可儔班固舒元  
閑覽殊過賀循或纂夏禹之元經或續白傳之六帖  
豈直魯都賦佚遠尋公幹之篇滅并墟存旁掇白褒  
之記此又才思之神皋鴻文之奧藪也稽之學行既

名溢於縹囊緝其詞翰又卷盈乎紺帙辟之椀巖根  
房星羅複廟之室騅駟駢駟霞散垌野之墟醉桑黯  
而亦甘將芹茹而俱綠今即烟銷孔履風寂顏瓢而  
月入陽街未慚天對雲藏太甲時出異人詎可令其  
隱豹沈光雕龍匿采且夫十步之內必有芳草崇朝  
之雨其惟岱雲近聖人之居門牆易得誦儒行之訓  
砥厲在茲雖使入海抽珠登山採玉人各有志所規  
不同然未有不斟酌謨觴溯洄道筏以求金鑒其道  
黼黻其文者也高堂睹車服之器石室披弟子之圖  
千秋而來再尋厥緒安見不復有唐子高為德行吳

偉君為言語王少音為政事煥幼卿為文學者哉昔  
季札來聘樂觀六代不齊作宰兄事五人寧不以干  
旄賁郊取其忠告輔軒稅駕撫厥方聞風聲逖聽於  
衡門文雅競歸於義府本縣家繇舊德世韻清芬釋  
褐中年鳴琴大邑閩川名士敢云大雅為羣魯國諸  
生庶其在門者半賢良先拔愧乏江統之明荆棘自  
除慚無鮑永之治猶欲博蒐鴻藻閱覽英髦收徠松  
甫柏之材訪夏山殷火之製茲定於某月某日觀風  
茲邑或琢磨淳德金玉其音或鼓吹遺經笙簧在手  
漚諸柘硯琤瑤羣玉之山裝以鏡綾飛舞萬花之字

所望彥和記夢執丹漆以西行紫緒研經拜戾子而  
北面齊開筆海迸落文河摘藻為春凌雲有氣勿俾  
石門舊館徒留太白之詩松桷新宮專擅吳斯之頌

暎雪飲記

已未之冬嘉平幾望香東主人偕其同年生白子小山盧子厚山陳子恭甫栖於玉河之側芸華東館庭有枯樹室無雜賓瓶凍及眉雪墜如掌開門以望群玉成峯曳履而行萬花翦水梁園授簡事異延枚山陰乘舟路艱訪戴正復蚤擅失暎鶴髦羞華歌郢曲而寡歡宴嵯州而虛佇主人乃狂思作達貧益成饒除曲室之新寒想屠門之大嚼杜陵朝罷才典春衣陸納醺張能供斗酒於是洗舒州之杓開力士之鐺取臠月之黃羊市北方之鵜雉牢丸薄餅白露寒茹

菹醢駢陳芳酸粦和割鮮堆俎煇炭擁爐百餅添清  
泉之香千齏炳朝霞之片自攜七筯圍坐毵毵花松  
半簾雲熱雙襪燒銀作霧沃凍縹以逾融戲玉無烟  
煖春紅而迸輦人如西晉速探牛心地非東堂冒請  
鵝胥虎韡年少直登仲寶之筵馬廐名人橫踞王尼  
之座指景山以中聖呼元子為老兵李大邈縱其高  
談江文通飫其善啖貍盤羌煮奪塞外之雄風繚蓋  
緋帟降炎官之熱屬將使吳二逃畫滕六駐空青女  
熏衣玉妃炙轂辟臺不夜瑤草先春騎白鳳以含溫  
代燭龍而銜曜命曰暎雪亦足豪矣嗟嗟謝淪此中

惟宜飲酒稽康已往誰能偶鍛若夫旗亭畫壁之遊  
學士烹茶之興雖撒鹽起絮並賞六霽而散綺飛霜  
難吟七命吾儕鳳觀虎視酒澠肉陵頰上生潮鼻端  
出火不知者以為枕麴伯倫之樂地其知者以為天  
花摩詰之道場冷宦忘愁頑仙亦妒豈可令暖寒小  
院孤矜元寶之賓搆火南亭關記路羣之飲僕以南  
人強同北嗜頗憐王肅誇齊魯之大邦回問葛疆門  
幽并之健者白波既卷青鏤遙飛主人屬余述此極  
歡傳諸好事云爾

伊墨卿郡伯江城視膳圖記

嘉慶十年乙丑孟夏墨卿郡伯新領符竹出莅望緊河潤九里資郭伋之賢地入三吳拜王規之表砥節首公有懷明發俟裝之日作江城視膳圖吁君之情見矣自南祇道缺北門憂殷賣官奚其饋貧傭書無以資養其有初綰半綸未及三釜士衡羈宦虛戀堂室彥升限役半廢晨昏誦汝墳之詩雖解韋帶市楊州之粟何心白粲豈望府檄朝捧君羹夕嘗者哉墨卿嚴尊則予告光祿卿雲林先生也南潁角巾東海羣布徃君遊宦額嶠扶持私庭清畏人知行為物表

二親樂之屬觸蠻蛄鬪之辰有楚國猿亡之禍徙薪  
議絀覆盆冤塞光祿訟諸長官以聞於朝

主上聽蘇賢之父歸罪廣漢察丹陽之賊特原馬稜  
竟免謫科歸遊家街君念銜恩奮義則紫芝豈甘戒  
養傷貧則白華恐廢遂復投牒東府需銓北闕適江  
南大吏請簡河官朝廷以君為首選汲公再起願  
倚卧治王景引見便問理水君智略輻湊稱娛前行  
持清白之家風守廉慎之門法它日秦彭條式頒示  
同寮侯霸規程刊為故事治行尚已聲施爛已尤喜  
版輿將迎觴酒上壽師石建之浣綈效崔邠之去帽

六朝煙雨屢醉榆曛三月桃花扶觀蘭契江山供色  
笑之娛父老歎嬰孺之慕雖復頽烏集鼓蕭雉隨車  
曷以逾此傳曰事親孝故忠可移於君孝經援神契  
曰卿大夫孝曰譽非此之謂與抑聞德行遠於置郵  
民應喻於偃草則知嚴訓為官文翁侈俗孕鳩鳥而  
巢廳化鵲巢而反哺足使陳元母子更感涕洟謝宏  
兄弟咸還供養眎古人畫孝友之傳著諭蒙之書言  
教之與身教其於優劣何如也

募脩閩中賢良昭忠兩祠啟

鸞旂賜廟方旌勤事之勛鳥革摧檐重益棲神之憾  
緋翠旌孔蓋自載風雲而丹荔黃蕉難湮俎豆杉松  
剝蝕猶懷樾蔭之恩棟宇凋殘敢忘桐鄉之愛閩中  
賢良昭忠二祠者地居治縣基在屏山構厦由雍正  
十年拓宇則乾隆六載惠獻貝子而下庸懋鼎鐘忠  
烈十二其人思深輦鼓煌煌 天語咸秩功宗奕  
奕新宮式憑靈爽每肥牲香酒奉以官司宜螺水烏  
山長懸廟兒者也曾隙駒籠馬華屋易零淮雨別風  
梅梁幾化瓦飛鴛而夜裂壇羅幘以晨趨翠碑淚落

雲愁而屋漏無乾碧殿灰飛月冷而長明息燄蕭蕭  
簾簾借芹宮以薦谿毛艸草笙簧收粟主而藏黌舍  
威儀已褻跼蹐翼安夫藥公之社祀出私情卞壺之  
塋修從異代況復禮有其舉孰敢弁髦賜到於今遽  
忘尸祝哉本縣下車伊始脩祀維虔過峴山者必登  
羊祜之祠宦蜀郡者每葺文翁之室急籌改作上請  
當塗敬告同人合襄盛舉道謀難築亟須集腋而成  
嵩構方興全仗布金之手存 熙朝不刊之烈永里  
巷誰嗣之思庶留城人往風雲竚想於丹青泚贊功  
多霜日長昭於栢楠謹啓